

Siunissami aalisarsinnaanermut akuersissutip aqutsisoqarfimmi ataasiinnarmi atorneqartalernissaa - taamatullu aqutsisoqarfiup "Kalaallit Nunaata sinnerata" siunissami aqutsivinnut immikkoortunut arfinilinnut aggornilersorneqarnissaa (Maniitsoq, Paamiut, Qaanaaq, Sisimiut, Kalaallit Nunaata kujataa aamma Tasiilaq) anguniarlugu sinerissamut qanittumi qaleralinniarneq pillugu nalunaarut allanngorteqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut
(Saqq.: Inatsisartunut ilaasortaq Michael Rosing, Attaviitsoq)

pillugu

Aalisarnermut, Piniarnermut Nunalerinermullu ataatsimiititaliap

ISUMALIUTISSIISSUTAA.

Siunnersuutip aappassaaneerneqarneranut saqqummiunneqartoq.

Suliarineqarnerani ataatsimiititaliaq kingullermik ukuninnga inuttaqarpoq:

Inatsisartunut ilaasortaq Hans Aronsen, Inuit Ataqatigiit, siul.
Inatsisartunut ilaasortaq Michael Rosing, Attaviitsoq, siul.tull.
Inatsisartunut ilaasortaq Mala Høy Kuko, Siumut
Inatsisartunut ilaasortaq Nikkulaat Jeremiassen, Siumut
Inatsisartunut ilaasortaq Henrik Fleischer, Partii Naleraq
Inatsisartunut ilaasortaq Kelly Berthelsen, Inuit Ataqatigiit
Inatsisartunut ilaasortaq Villy Olsvig, Inuit Ataqatigiit

UPA 2017-ip nalaani ulloq 17. Maj siullermeerereermermi siunnersuut ataatsimiititaliamit misissorneqarpoq.

Siunnersuutip imaa siunertaalu

Sinerissap qanittuani qaleralinniarneq pillugu nalunaarutip allanngortinneqarnissaanik Naalakkersuisut peqquneqarnissaat, taamaalilluni aalisarsinnaanermut akuersissut ataaseq aqutsiveqarfimmi ataatsimi siunissami taamaallaat atorneqarsinnaasunngorlugu, kiisalu aqutsiveqarfik "Kalaallit Nunaata sinneranik" taaneqartoq siunissami aqutsiveqarfinnut immikkoortunut minnerpaamik arfinilinnut aggulunneqarnissaa (Maniitsoq, Paamiut, Qaanaaq, Sisimiut, Kujataa aamma Tasiilaq) siunnersuuteqartumit kissaatigineqarpoq.

Siunnersuummi ilaatigut siunertarineqarpoq uumassusilerinermi aalisarnermut piujuartitsineramik tunngaveqartumut ilapittuuteqarnerunissaq, peqatigisaanillu najukkamit tunngaveqarnerusumik ingerlatsinissaq. Tamanna ima paasineqassaaq, aqutsiveqarfinni ataasiakkaani aalisarneq najukkami aalisartunit annertunerusumik ingerlanneqartalissaluni.

Siunnersuutip Inatsisartuni siullermeerneqarnera

Oqaaseqartartunit nikerartumik tapersersuisoqareerneratigut kiisalu Naalakkersuisunit itigartitsinissamut inassuteqartoqareerneratigut siunnersuutip Aalisarnermut, Piniarnermut Nunalerinermullu ataatsimiititaliamit suliarineqarnerata nanginnissaa innersuussutigineqarpoq.

Apeqqutit

Siunnersuutip suliarineranut atugassatut Aalisarnermut Piniarnermullu Naalakkersuisunit arlalinnik akisassanik ataatsimiititaliaq apeqquteqaateqarpoq. Ataatsimiititaliap apeqqutaasa taakkunungalugu akissutit assilineri isumaliutissiissummut uunga tapiliunneqarput, takukkit **ilanngussaq 1 aamma 2.**

Ataatsimiititaliap apeqqutai ulloq 26. Maj nassiunneqarput, ullorlu 16. Juni akeqqusisoqarluni (tassa ullut suliffiusut 14-t ingerlaneranni). Ulloq 8. September akissut tiguneqarpoq, tassa apeqqutit aallaqqaammut nassiunnerinit *sapaatip akunneri 15-it qaangiuttullu.*

Aallaqqaammut akissuteqarnissamut piffissaliunneqartutut aalajangerneqartup ingerlanerani ataatsimiititaliap apeqqutaasa ilaatigut pissutissaqarluni akissuteqarfigineqarsinnaannginnerat soorunami ataatsimiititaliap paasisinnaavaa, isumaqarlunili matumani akissuteqarniarneq pissusissamisuunngitsumik naleqqutinngitsumillu sivisuallaartoq, taamaattumillu Aalisarnermut Piniarnermullu Naalakkersuisumik **isorinninnermik** oqaaseqaateqassalluni ataatsimiititaliaq pissutissaqarpoq. Peqatigisaanillu tamatuma Inatsisartut Siulittaasoqarfianut ilisimatitsissutigineqarsaaq ataatsimiititaliap toqqarsimavaa.

Tamatumanittaaq ataatsimiititaliap ajornartorsiutitut isumaqarfigaa, akissuteqarniarnermik suliaqarneq pillugu ataatsimiititaliap ataavartumik ilisimatittarnissaa Naalakkersuisunit pisariaqartutut isumaqarfigineqarsimagunanngimmat, ataatsimiititaliarmi ulloq 15. Juni ataasiaannarlugu allaffigineqarsimavoq, tassanimi Aalisarnermut Piniarnermullu Naalakkersuisoq ilisimatitsivoq, ajuusaarnaraluartumik akissuteqarnissamut killigitinneqartoq eqquutsissinnaanngitsoq. Tassungalugu atatillugu taaneqarpoq: *“Naatsorsuutigineqarporli akissutit [...] piaarnerpaamik nassiunneqarsinnaassasut.”*

Tamatuma malitsigisaanik oqaasertaliunneqartoq “piaarnerpaamik” akissutip piaartumik ungasinngitsukkullu nassiunneqarnissaanik neriorsuerpalaarnertut paasineqarsinnaavoq. Tamanna immikkut taaneqarpoq, ataatsimiititaliammi apeqqutaasa akinissaanut allakkami

qulaani pineqartumi arlaatigulluunniit taaneqarsimanngimmat suliap annertussusissaanut atatillugu akissuteqarnissamut ataatsimiititaliap piffissaliussaa amigartutut nalilerneqarsimasoq. Akissuteqarnerup annertussusaa qiviassagaanni ataatsimiititaliaq isumaqarportaaq taamatut sivilutigisumik suliamik ingerlatsinissaq pisariaqanngikkaluortoq.

Ataatsimiititaliatq eqqumiiginartippaa akissutip ulloq 8. september nassiunneqarneranut atatillugu taama sivilutigisumik akissuteqarniarnerup tunngavilersornissaa ajuusaarutiginnissaaluunniit Naalakkersuisunit pissutissaqartinneqarsimanngimmalluunniit. Pisut aallaavigalugit tunngavilersuinissaq ajuusaaruteqarnissarlutik pissusissamisoorsimassagaluarpoq.

Ataatsimiititaliap siunnersuummik suliaqarnera

Siullermeerereernermit siunnersuut aamma ataatsimiititaliap allakkatigut apeqqutaanut akissut ataatsimiititaliamit misissorneqarput, taakkulu pillugit ima oqaaseqassalluni:

§ 37 tunngavigalugu apeqqummut nr. 97/2017-imut akissut naapertorlugu sinerissap qanittuani qaleralinniarneq Nuup eqqaani kiisalu aqutsiveqarfinni Qeqertarsuup Tunuani, Uummannami Upernavimmilu eqiterussimaneruvoq.

Siullermeerinermit akissuteqaat naapertorlugu Nuummumut aqutsiveqarfimmik nutaamik pilersitsiniarlutik Naalakkersuisut pilersaaruteqarput.

Ataatsimiititaliap paasivaa, aalisarfiusartut pingaernerit immikkut aqutsiveqarfittut taamaalillutik aggulunniarneqartut, taakkunanilu pisassiissutit ataasiakkaanut ilaatinniarneqartut. Tassunga atatillugu ataatsimiititaliaq isumaqarpoq, aqutsiveqarfinnik amerlanerusunik immikkut pisariaqartitsinermut tunngavissiiinissamik pisariaqartitsinermilluunniit siunnersuuteqartoq tikkuussinngitsaq.

Siunnersuutip immikkoortuata aappaani pineqarpoq, siunissami akuersissutip ataatsip aqutsiveqarfimmi ataatsimi atorsinnaasariaqarneranut tunngasoq, ataatsimiititaliallu akuersaarnartippaa taamatut killiliineq allaqqussassaannngitsumik aalisarnerup najukkami annertunerusumik ingerlanneqarsinnaaneranut ilapittuutaassasoq. Aalisarneq arlaannik pissuteqarluni aqutsiveqarfimmi nammineq atukkami arlaatigut iluatsinngitsuussagaluarpat akuersissutinik killiliinermit aqutsiveqarfimmi ataatsimi akuersissutinik pigisaqartut aqutsiveqarfimmut allamut nuunnissaat taamaalilluni aamma pinngitsoortinneqassaaq. Taamaattoqarnera ilaatigut maanna atuutilersimavoq Qeqertarsuup Tunuani tunisinerup annikilliarthoneranut atatillugu.

Ataatsimiititaliap tassunga atatillugu paasisinnaavaa, malittarisassat maanna atuuttut malillugit aqutsiveqarfinni Upernavimmi, Uummannami aamma Qeqertarsuup Tunuani

aalisarsinnaanermut akuersissutip ataatsip aqutsiveqarfinni taakkunani pingasuusuni tamani atorsinnaanerani ajorluinnartumik pisoqassagaluarpat aalisarfiusut pingasut arlaanni ajornartoornerup aqutsiveqarfiit sinnerinut siaruaassinnaanera. Taamaalillunilu Pinngortitaleriffik ima oqariartuuteqarpoq:

“Qeqertarsuup Tunuani qalerallit taama ikitsigineranni Uummannamut Upernavimmullu qaleralinniarusunerusoqassaguni taakkunani aamma aalisapiluttoqarneranut takussutissaqalissaaq [...] Sumiiffinni taakkunani marlunni aalisartoqanngaatsialeruni taamarluinnaq aamma pisoqarsinnaavoq”¹

Peqatigisaanilli akuersissummik killiliineq aamma aalisartut ataasiakkaat inuussutissarsiummik ingerlatsisinnaaneranut killiliinermik nassataqassaaq, tamatumami kingorna aalisartoq tunngaviatigut aqutsiveqarfimmut ataatsimut “parnaarunneqassagami”. Taamaattumik akuersissummik killiliineq aalisartup inuussutissarsiummik ingerlatsisinnaaneranut killiliinermut aamma ataqatigiissinneqartariaqassaaq.

Ataatsimiititaliap matumani maluginiarpaa, Naalakkersuisut isumaat malillugu akuersissutinik killiliineq pisariaqanngitsoq atsikutigiinngitsorluunniit, Naalakkersuisuniillu tulluartutut isigineqanngitsoq, tassa sinerissap qanittuani qaleralinniarnermi inuussutissarsiornermut periarfissat aalisartunit atorneqarsinnaanngimmata. Isuma tamanna aamma § 37 tunngavigalugu apeqqummut nr. 97/2017-imut akissummi imaritinneqartutut takuneqarsinnaavoq, tassanimi ilaatigut allassimammat:

*“Sinerissap qanittuani aalisartut ataasiakkaat inuussutissarsiornerminni isertitaannik Naalakkersuisut killiliiniannngimmata, Naalakkersuisullu **naliliimmata aalisagaqassutsip ajutooriataarsinnaanera pissutigalugu aalisalersinnaanerup killilersimaarneqarnissaa pisariaqanngitsoq, Naalakkersuisut isumaqarput nalunaarutissami taamatut killiliinissamik aalajangersaasoqarpat aalisartut inuussutissarsiornerminni isertaqartarnissaat pisariaqanngitsumik killilerneqassasoq.”***
(Naqinneri ataatsimiititaliamit silitunngortitat)

Taarsiulluguli aqutsiveqarfinni pingasuusuni Upernavimmi, Uummannami Qeqertarsuullu Tunuani aalisartunut avataaneersunut Naalakkersuisut annertunerpaaffiliiniarput. Tamanna ima paasillugu; siunissami aqutsiveqarfimmi ataatsimi pisassanit tamarmiusunit pisassat annertunerpaamik 10 %-ii aalisartunit aqutsiveqarfiit marluusut arlaanneersunit ataatsimit aalisarneqarsinnaalissapput.

Peqatigisaanik akuersissutit killilerneqarsinnaalissapput, taamaalillunilu akuersissummik piginnittup pisassiissutaatini aalisareersimanngikkunigit imartani pisassiissuteqarfiunngitsuni

¹ “Pinngortitaleriffik: Qaleralinniarnep avannarparternissaa aarleqqutigaarput”. KNR, 16. september 2017.

pisani pisassiissutaatiminit ilanngaassiffigitissallugit. Tassunga atatillugu akuersissummik pigisaqartoq imartani pisassiissuteqarfiunngitsuni piginnittoq aqutsiveqarfianut attuumassuteqartuusumi aalisarsinnaanissamut taamaallaat periarfissaqassaaq².

Tamatuma saniatigut imaassinnaavoq³ aalisartut avataaneersut aqutsiveqarfik Nuummut mattutivinneqassasut, ima paasillugu; nalunaarut nutaaq malillugu aqutsiveqarfinni Upernavimmi, Ummannami, Qeqertarsuup Tunuani aamma aqutsiveqarfinni Kalaallit Nunaata sinneranik taasami aalisarsinnaanermut akuersissut Nuup eqqaanut atorsinnaassanngitsoq.

Ataatsimiititaliaq isumaqarpoq, siuliani iliuusissatut taasaq siunnersuuteqartup aalisarnerup najukkami annertunerusumik ingerlanneqarnissaanut kissaataanut naaperiaanermik isikkulittut paasineqarsinnaasoq. Aappaatigulli apeqqutaavoq nalunaarummik allannguiniarluni ilimasaarineq aalisarnermi uumassuseqarnikkut piujuartitsinerup annertusarnissaanik siunnersuummi tungaviusumik pinarnerpaatullu angusaqarluarusussutsimut ilapittuutaassanersoq.

Tamatumani nalunaarutissamut atatillugu apeqqutaassaaq taanna ima tungavilersorneqarsimanersoq piujuartitsinermit mianerisassat allat pingaartinneruneqarsimanersut, imaluunniit ilimagisaq tungavigalugu aalisarnerup qanoq ittuunera pillugu maanna isiginneriaatsimut atuukkaluttuinnartumut akerliusutut taaneqarsinnaassanersoq. Nuup eqqaani aqutsiveqarfik nutaaq eqqaassanngikkaanni taamaalilluni piujuartitsineq allannguutitut nassuiaatitut tungavilersuutitulluunniit atorineqarsimanngilaq.

Tassunga atatillugu ataatsimiititaliap allakkatigut apeqqutaanut akissut ima paasineqarsinnaavoq, allannguutissatut ilimasaarutigineqartut arlallit peqassutsip allanngoriartorneranut sunniuteqartitsisinnaanerat siuariartortitsisinnaanerannulluunniit Naalakkersuisunit annertunerusumik naatsorsuutigineqanngitsoq.

Ataatsimiititaliap allakkatigut apeqqutaanut (2d-mi) akissummut atatillugu pisassiissuteqarfiunngitsuni malittarisassatut ilimasaarutigineqartut taamaalillutik nalilerneqartut *aalisakkanut isumalluutit aamma aalisarnermik ingerlatsinermit killilersuinermit annikitsuinnarmik sunnigaassasut*⁴.

² Takukkit siullermeerinermi akissuteqaat aamma ataatsimiititaliap allakkatigut apeqqutaanut akissutini (2a), tamatumani taamaallaat akuersissummik pisassiissutitalinnik pigisallit pineqarput, taamaattumillu umiatsiararsortut taamatut periarfissamik killiliinermit ilaatinniarneqanngillat.

³ Takuuk ataatsimiititaliap allakkatigut apeqqutaanut akissut (3c).

⁴ Akissut ataatsimiititaliamit naammanngitsutut isumaqarfigineqarpoq. Tassunga atatillugu ataatsimiititaliap eqqumiiginartippaa, aalajangersakkami pissusiviusutigit kina aalisarsinnaanersoq kiisalu sumi qanorlu annertutigisumik aalisartoqarsinnaanersoq killilernerneqarpat, taava tamanna aalisakkanut isumalluutitut aalisarnermillu ingerlatsinermit taamaallaat killilimmik sunniuteqassasoq. Tamannarpiaq pissutigalugu ataatsimiititaliamit kissaatigineqarpoq ataatsimiititaliap apeqquta nassuiarnerullugu akissuteqarfigineqassasoq. Tamatumani aamma pineqarput ataatsimiititaliap apeqqutaasa sinneri (2a).

Illuatungaatigut siullermeerinermi akissuteqaat naapertorlugu aqutsisoqarfinni pingasuusuni Upernavimmi, Uummannami aamma Qeqertarsuup Tunuani pisarineqarsinnaasut annertunerpaaffissaasa 10 %-iinig pisassiissutit avataaneersunut atuutilersinneqarnerisigut “aqutsiveqarfiit ataasiakkaat iluini aalisarnerup illersorneqarsinnaanissaanik annertusaaqataassaaq”⁵, kingulianili erseqqissaatigineqartutut, taamaallaat pineqarluni “najukkami aalisarnermik aallutaqarneq eqqarsaatigalugu isumalluutit uumassusillit killiliinerup illersussaga”⁶.

Taamaalilluni uumassuseqarnikkut sunniutissat nalorninartutut isikkoqarpata nakkutilliinikkut kingunissai annertunerulersussatut isumaqarfigineqarsinnaassapput. Tassunga atatillugu ataatsimiititaliap malugisinnaavaa, nalunaarummut allannguutissatut ilimasaarummi nakkutilliinikkut annertuumik unammillernartoqarsinnaanera naatsorsuutigineqarsinnaassasoq, tamatumanimi Kalaallit Nunaanni Aalisarsinnaanermut Akuersissutinik Nakkutilliisoqarfimmit (KANUAANA-mit) aaqqissuussinerup atuuttup allanngortinneqarnissaanut tunngavissiisoqartariaqarmat. Tassunga atatillugu taaneqarpoq:

“Aalisarfiit pillugit paasissutissat nakkutiginnissat – soorlu aamma aalisarnermi allani – unamminartoqartarpoq, taakkumi aalisartumit tunisinermi nammineq nalunaarutigineqartarmata, pingaartumik umiatsiaararsorluni aalisarnermut atatillugu umiatsiaaqqat ilisarnaammik normulerlugit nalunaarsorneqarsimangippata, taamaattumillu ungasissumiit ilisarineqarsinnaanatik. Unamminartoq tamanna aalisarnermik nakkutilliinermut atatillugu annertuvoq akuersissut ataaseq aalisarfinnut eqqaaniittunut arlalinnut aalisarsinnaatitsisoq pisassanillu ilanngaanissamut assigiinngitsunik malittarisassaartoq”⁷

Tassunga atatillugu ataatsimiititaliap paasivaa, nakkutilliinikkut unammilligassat annertussusii kiisalu sumiiffiit pisassiissuteqarfiumngitsut suli attatiinnarneqarnissaat ataqatigiissillugit ilaatigut isiginiarneqassasut, tassanilu ilanngunneqassasut taakkunani aallussisinnaanermut ilimasaarutigineqartutut killiliinerit.

Tassani ataatsimiititaliap maluginiarpaa, Naalakkersuisut sumiiffiit pisassiissuteqarfiumngitsut atorunnaarsinneqarnissaanik ungasinngitsukkut siunnersuuteqarnikuusut⁸, taamaattumillu sumiiffiit maanna attatiinnarneqarnissaannut

⁵ Siullermeerinermi akissuteqaat naapertorlugu.

⁶ Ataatsimiititaliamit allakkatigut apeqquummut (3b-mut) akissut naapertorlugu. Tassunga atatillugu ataatsimiititaliap maluginiarpaa, oqaatigineqartoq ataatsimiititaliap allakkatigut apeqquutaani (1a-mi) akissummut illuatungiliutillaartuusutut isumaqarnartoq, tassanimi takuneqarsinnaammat, pisarineqarsinnaasut annertunerpaaffissaanik atuutitsilernikkut Naalakkersuisut “aqutsiveqarfinni ataasiakkaani pingasuni annertuallaamik aalisalertoqarsinnaanera killilersimaarusukkaat aqutsiveqarfinnut aalisaaqusiunnaarluninarnissaq piumanagu”.

⁷ Ataatsimiititaliap allakkatigut apeqquutaanut (2e-mut) akissut naapertorlugu.

⁸ Sinerissap qanittuani qalerallinnarneq pillugu nalunaarutissatut siunnersuummut tusarniaaneq naapertorlugu, ull. 27. januar 2017 tamanut saqqummiunneqartoq.

tunngavilersuutit pillugit Naalakkersuisut ataatsimiititaliamit
paasissutisseeqquneqarsimasut:

“Naalakkersuisut naliliipput, pissusissamisoortoq killeqarfiit pisassiiffiunngitsut maannakkut aalisarnerup ingerlalluarnera pissutigalugu atuutsiinnarnissaannut, ineriartornerlu tamanna ingerlaannarnissaa Naalakkersuisut kissaatigaat”⁹

(Ataatsimiititaliap naqinnerit silittunngortippai, aaqq.)

Sinerissap qanittuani aalisarnerup ajornartorsiorfiusutut isiginiarneqarnera naatsorsuutigissagaanni *“aalisarnerup ingerlalluarnera”* pillugu Naalakkersuisut isumaqarpassinnerat ataatsimiititaliap uissuumminartillugulu eqqumiiginartilluinnarpaa. Tamatuma malitsigisaanik ataatsimiititaliap maluginiarpaa, Naalakkersuisut naliliinertik itisilissallugu tunngavilersussalluguluunniit pissutissaqartissimanngimmassuk, taamaammallu taamatut paasinneriaaseq ataatsimiititaliap ingerlaannaq ilalersinnaanngilaa. Tunisinerilli annikilliartronerat pillugit nalunaaruteqartarnerit amerliartuinnarnerat tunngavigalugit naliliineq tamanna aalisarnermik ingerlatsisunit tamanit taamatut isumaqarfigineqarnerisooq ataatsimiititaliap qularnartoqartippaa.

Aalisarnerup ingerlalluartutut naatsorsuutigineqarsimassappat sumiiffiit pisassiiffiunngitsut ajortut sooq attatiinnarneqarnissaat pisariaqarnerisooq ataatsimiititaliamit qularissallugu pissutissaqartinneqarpoq. Ataatsimiititaliattaq oqaatigerusuppaa, sumiiffiit pisassiiffiunngitsut ajortut aalisarnerup ineriartorneranut pitsaasumik ilapittuutaasutut isumaqarnermut ataatsimiititaliap isumaqataanngimmat.

Qulaani taakkartukkat kiisalu akissutip annertussusia ataatsimut isigalugu ataatsimiititaliap isumaqarpoq, sumiiffiit attatiinnarnissaannut naammattumik uppernartumillu tunngavilersuuteqartoqarsimanngitsooq. Sumiiffiit pisassiiffiusanngitsut pillugit ataatsimut isigalugu tapersersuinnerup amigaataanera aamma isiginiagassaavoq, assersuutigalugu aalisartut piniartullu kattuffianit KNAPK-mit¹⁰.

Isumaqarnarportaaq sumiiffiit pisassiiffiusanngitsut attatiinnarnissaat Kalaallit Nunaanni Pinngortitaleriffiup inassutaanut kingullerpaanut aamma akerliusuusooq. § 37 tunngavigalugu apeqqummut nr. 199/2017-imut akissut naapertorlugu taamaalilluni Pinngortitaleriffik uparuaavoq, Qeqertarsuup Tunuani qaleraleqassutsip qalerallillu agguaqatigiissillugu angissusaasa allanngorsimanerannut aalisarnerup pingaarnertut pissutaasooq. Pinngortitaleriffik tassunga atatillugu ilaatigut ima taasaqarpoq:

⁹ Ataatsimiititaliap allakkatigut apeqqutaanut (2c-mut) akissut naapertorlugu.

¹⁰ ”Krussep titartakkani aalajangiusimavai”. Sermitsiami, 23. juni 2017-imeersumi.

”[...] Qaleraleqassuseq maannakkut 2000-p siornanut naleqqiullugu appasinneruvoq. Allannguutit 2017-imi tulaassatigut takuneqarsinnaasut, ilaatigut qaleraleqassutsip appariarsimaneranik nassuiaatissartaqarsinnaapput.

2017-imi tulaattakkat ikinnerunerat ima isumaqartigaaq, qaleralittassiissutaasimasut biologit innersuussutigisimasaannut 6.400 tonsinut piaarnepaanik nalimmassarneqarnissaat Pinngortitaleriffimmiit innersuussutigineqarpoq, kiisalu aqutsinermi pilersaarusionsuortoqarnissaa tassani qaleraleqassutslp siunissamittaaq ajunnginnerpaamik iluaqutigineqarnissaa qulakkeerniarlugu iliuusissat aalajangersaavigineqassallutik (imaluunniit iluaqutiginninneq pillugu anguniakkat kissaatigineqartut aalajangersarneqassallutik). Peqatigitillugu isumaqarpugut pilersaarut taamaattoq qaleralinniarnep pitsaanagerusumik paasisaqarfiginerunissaanut ilapittuutaassasoq - aamma sinerissap qanittuani allani qaleralinniarnermut tunngassuteqartut eqqarsaatigalugit (ingammik UMK-mi UPV-milu)”¹¹

Inassut iliuusissanik pilersaarummut Ilulissani 7. april 2017¹² atsiorneqartumut naapertuuttut isumaqarnarpoq, tassanili Aalisarnermut Piniarnermullu Naalakkersuisoqarfik Qeqertarsuullu Tunuani sinerissamut qanittumi qaleralinniarnermi pingaarnertut ingerlatsisut ilaatigut isumaqatigiissutaat tunngavigalugu “*akisussaassusilimmik*” aalisarnermik ingerlatsinissamik suliniuteqarniarput. Tassunga atatillugu una ilassutigineqarpoq:

“Sulissutigissavarput Qeqertarsuup Tunuani siunissami atorluarsinnaasumik pilersarusiornissamut periarfissiussalluta, tamatumani sumiiffimmi aalisartut peqataatinneqassallutik akisussaaqataatinneqassallutillu tamatumani aqutsiveqarfiit immikkuullarissussat eqqumaffigineqassallutik [...]”

”Qeqertarsuup Tunuani ilisimatuussutsikkut siunnersuinerit aamma sinerissap qanittuani qaleralinniarnermi pisassiissutinik aalajangersaasarnepit nukittorsarnissaanut imminnut naapertuuttunngorsarnissaannut pisariaqartitsisoqartoq takusinnaavarput”

Tamatuma saniatigut KNAPK-p siulittaasuanit oqaaseqaatit ataatsimiititaliap innersuussutigissavai, aalisarnerummi ajorsiaruinnarneranut pissutaasoq pillugu ima issuarneqarami:

”Ukiuni kingullerni aalisapiluttoqarnera tamatumunnga pissutaavoq [...]”

¹¹ § 37 tunngavigalugu apeqqummut nr. 199/2017-imut akissut naapertorlugu.

¹² KNAPK-p, SQAPK-p, Aalisarnermut Piniarnermullu Naalakkersuisoqarfiup, KANUAANNA-p, Pinngortitaleriffiup, Qaasuitsup Kommuniata, Royal Greenlandip aamma Halibut Greenlandip akornanni iliuusissanik oqaaseqaat, Ilulissat ulloq 7. april 2017. http://naalakkersuisut.gl/da/Naalakkersuisut/Nyheder/2017/04/070417_hensigt

*Pisassiissutaasartut killilersugaanngitsullu katikkaanni Avannaani aalisapiluttugut paasinarpoq*¹³

Taamaattorli Pinngortitaleriffimmit inassutit qanoq annertutigisumik qanorlu iliorluni Naalakkersuisunit malitseqartinneqarniarnersut suli nalorninalaarpoq. Tassunga atatillugu ataatsimiititaliap maluginiarpaa, Aalisarnermut Piniarnermullu Naalakkersuisoq pisassiissutinik ikililerinissamat suli isumaqarpassinngitsoq¹⁴. Illuatungaatigulli Naalakkersuisut Siulittaasuata oqaatigaa qaleralinnik atuinermik nalilersueqqinnissaq pisariaqartoq, oqaatigivaami *“aalisagaqarfimmi tassani aqutsinerup allannortinnissaanut Naalakkersuisuniit siunnersuusiussaagut*”¹⁵. Siunnersuutip siullermeerneqarnerani ilimasaarutigineqartumit allaanerusumik nalunaarutip allannortinnissaanut matumani pilersaaruteqartoqarnersoq siunnersuutip uuma kingusinnerpaamik aappassaaneernissaanut Naalakkersuisut Inatsisartunut paasissutissiinissaannik ataatsimiititaliaq matumuunakkut kaammattuivoq. Peqatigalugu ataatsimiititaliaq kaammattuivoq, qaqugu nalunaarutissamat nutaamat missingiutip tamanut saqqummiunnissaa naatsorsuutigineqarsinnaanersoq Naalakkersuisunit paasissutissiissutigineqassasoq (tusarniaatigineqassanersoq).

Siunnersuutip aningaasatigut kingunissai

Inatsisartut Suleriaasianni § 33, imm. 1-imi takuneqarsinnaavoq, aalajangiiffigisassatut siunnersuutip piviusunngortinnerani siunnersuutip tunngavilersuutitaani aningaasatigut allaffissornikkullu kingunerisassai allaaserineqarsimassasut.

Tamanna naapertorlugu siunnersuuteqartoq taama iliorsimavoq. Ataatsimiititaliaq annertunerusumik oqaaseqaateqarnissamat pissutissaqanngilaq. Tassani aamma isiginiarneqassaaq siunnersuuteqartup siunnersuummik suliaqarnerminut atatillugu aningaasatigut allaffissornikkullu kingunissai pillugit naliliinermik Naalakkersuisunit pissarsiniarsimammat issuaaffigalugillu, takuuk § 37 tunngavigalugu apeqqummut nr. 97/2017-imut akissut.

¹³ ”Qeqertarsuup Tunuani qaleralittat ikileriarujussuartut”. Sermitsiami ull. 11. august 2017.

¹⁴ ”Krussep qaleralittassat pillugit inassuteqaat malikkumannikkai”. KNR, 20. september 2017.

¹⁵ 2017-imi Inatsisartut ukiaanerani ataatsimiinnerisa ammarneqarnerani Naalakkersuisut siulittaasuata Kim Kielsenip oqalugiaataa (qupp. 5).

Ataatsimiititaliap inassutai

Ataatsimiititaliami **amerlanerussuteqartut** Inuit Ataqatigiinnit, Siumumit aamma Partii Naleqqamit sinniisut siunnersuut **itigartinneqassasoq inassutigaaat.**


Ataatsimiititaliami **ikinnerussuteqartup** attaviitsup ataani allassimasutut oqaaseqaateqarluni siunnersuut **akuerineqassasoq inassutigaa.**

Ikinnerussuteqartoq attaviitsoq Michael Rosing siunnersuutip taamatut isikkoqarluni akuersissutigineqarnissaa inassutigaa. Pitsaanagerusimassaqqooqaaq tunngavik manna aalisarnermut inatsisiliassamut ilanngunneqarsimasuuppat, piffissarli sivisoq ingerlariiaannaammat aalisarnermut inatsisissap nutaap naammassinissaanut taamatullu ersarissorujussuarmik takuneqarsinnaalereermat aqutsivinni arlalinni aalisapiluttoqartoq, isumaqarpunga periarfissaq sukkanerpaaq atorlugu allannguutissat atuutsinneqalertariaqartut.


Taamatut oqaaseqarluni isumaliutissiissummilu allassimasutut paasinnilluni Ataatsimiititaliap siunnersuut aappassaaniigassanngortippaa.



Hans Aronsen
Siulittaasoq



Michael Rosing
Siulittaasup tullia



Mala Høy Kúko



Nikkulaat Jeremiassen



Henrik Fleischer



Kelly Berthelsen



Villy Olsvig



Aalisarnermut Piniarnermullu Naalakkersoq
Karl-Kristian Kruse
/MAANI

Ulloq: 26. maj 2017

J.nr.: 01.36.01.03-00075

Allakkatigut apeqqutit

Aalisarnermut, Piniarnermut Nunalerinermullu ataatsimiititaliap sinerissap qanittuani qaleralinniarneq pillugu nalunaarut allanngorteqqullugu siunnersuut (UPA 2017/55) pillugu suliaqarnerminut atatillugu apeqqutit uku Aalisarnermut Piniarnermullu Naalakkersuisumit akineqarnissaat piumasaraa.

1. § 37 tunngavigalugu apeqqutip nr. 97/2017-ip akineqarnera naapertorlugu allassimavoq *‘Naalakkersuisut siunnersuteqarput aqutsiveqarfinni aalisalersinnaanermik keilliiisogassanngitsog, taamaalilluni aqutsiveqarfinni aalisalersinnaaneq allanik aalisalersinnaanermik pinngitsoortitsissanani. Aalisarsinnaanermik akuersissutinik pissarsiaqarsinnaatitaasut taamaalillutik aqutsiveqarfinni tamani qaleralinniarsinnaanermut akuersissutinik pissarsisnaanisamik periarfissaqalissapput.’*

a. Qulaani pineqartumut akissut siullermeerinermi akissuteqaammut qanoq naapertuutsiginersoq Naalakkersuisunit nassuiaatigeqquneqarpoq, tassanimi akissuteqaammi takuneqarsinnaammat Nuup eqqaani immikkut aqutsiveqarfiliornissamik Naalakkersuisut pilersaaruteqartut; killeqarfinnut pisassiiffiunngitsunut periarfissat killilerneqarnissaat; kiisalu aqutsiveqarfinni pingasuusuni Upernaviup Uummannallu eqqaani Qeqertarsuullu Tunuaniittumi avataaneersunit pisarineqarsinnaasut annertunerpaaffilerneqarnerat.

2. Siullermeerinermi akissuteqaat naapertorlugu allassimavoq *‘Naalakkersuisut allatut killiliisuteqarnissamik kissaateqarput, tassa aalisarsinnaanermik akuersissutaatillit pissassiissutinik pigisaqartut killeqarfiit pisassiiffiunngitsut iluini aalisartarnerini, suli pisassaartoqartillugu aalisarneq ingerlanneqarpat piasarisat pisassarisanit ilanngaataasalernissaannik, aammalu aqutsiveqarfimmi aalisartut atassuteqaateqarfigisaani taamaallaat killeqarfiit pisassiiffiunngitsut iluini pisinnaalissalluni.’*

a. Naalakkersuisunit nassuiaatigeqquneqarpoq killiliineq pisassiissutitalinnik akuersissutaatilinnut Naalakkersuisut soq taamaallaat atuutsinniarpasinneraat taamaalillunilu umiatsiararsortunut atuunnani.

- b. Naalackersuisunit erseqqissaatigeqquneqarpoq, killiliineq ima paasineqassanersoq, pisassiissutitalinnik akuersissutaatillit pisassiissutaatitik nungukkaangamikkit siunissami aalisarunnaartassanersut, imaluunniit akuersissutaatilik killeqarfiit pisassiissuteqarfiunngitsut iluanni tamatuma kingorna suli aalisarsinnaatitaaginnassanersoq.
- c. Killeqarfiit pisassiissuteqarfiunngitsut attatiinnarnissaannik tunngaviusoq Naalackersuisunit nassuiaatigeqquneqarpoq, manna naapertorlugu; sinerissap qanittuani qaleralinniarneq pillugu nalunaarutip allanngortinneqarnissaa pillugu siunnersuut kingulleq atorlugu¹ naatsorsuutigineqaraluarimat sumiiffiit pineqartut atorunnaarnissaat.
- d. Aalisakkat isumalluutit kiisalu aalisarnermik ingerlatsineq qanoq killiliinermit sunnigaanissaat naatsorsuutigineqarnersoq Naalackersuisunit paasissutissiissutigeqquneqarpoq. Ima paasillugu; aalisarnek annertunerusoq, annikinnerusoq imaaluunniit allanngornertaqangitsoq malitsigitinneqassava, aamma killiliinerup kingunerissavaa aalisarnermik ingerlatsinerup sumiiffinni taakkunani imaluunniit sumiiffinni nutaani ingerlanneqarnissaa siunissami naatsorsuutigineqarnersoq.
- e. Kalaallit Nunaanni Aalisarsinnaatitaanermut Akuersissutinik Nakkutilliisoqarfimmit (KANUAANA-mit) killiineq, ilanngullugillu killeqarfiit pisassiissuteqarfiunngitsut attatiinnarnissaat qanoq isumaqarfigineqarnersut Naalackersuisunit paasissutissiissutigeqquneqarpoq, ilanngunneqassaarlu killiinerup kiisalu killeqarfiit pisassiiffunngitsut attatiinnarnissaasa malitsigisaanik nakkutilliinermi iluaqutit ajoqutillu.
3. Siullermeerinermi akissuteqaat naapertorlugu takuneqarsinnaavoq Naalackersuisut kissaatigaat, *“aqutsiveqarfinni pingasuusuni Upernavimmi, Uummannami Qeqertarsuullu Tunuani taakkunani ataasiakkaani pisassiissutinut annerpaamik 10 procentit tikillugit aalisartunit aqutsiveqarfinnit avataaneersunit pisinereqarsinnaasutut qummut killileerusukkamik.”*
- a. Suliniut aqutsiveqarfinni taamaallaat pingasuni – Upernaviup Uummannallu eqqaanni Qeqertarsuullu Tunuani - akuersissutaatilinnut taamaallaat atuunnersoq, tamannalu ilumut eqqortuunersoq Naalackersuisunit paasissutissiissutigeqquneqarpoq, kiisalu aqutsiveqarfinni taakkunani marluusuni katillugit pisassami annertunerpaamik 10 %-iinik akuersissutaatilik aalisarsinnaassanersoq.

¹ Sinerissap qanittuani aalisarnek pillugu Namm. Oq. Nalunaarutaanut siunnersuut pill. tusarniaaneq. Ull. 27. jan. 2017 tamanut saqqummiunartoq. <http://naalackersuisut.gl/da/H%c3%b8ringer/Arkiv-over-h%c3%b8ringer/2017/Bkg-hellefisk-kystnaer>

- b. Killiliineq “*aqutsiveqarfiiit ataasiakkaat iluini aalisarnerup illersorneqarsinnaanissaanik annertusaaqataassaaq*”, taama oqarnermi sumut innersuussisoqarnerseq Naalakkersuisunit erseqqissaatigeqquneqarpoq. Ima paasillugu; taamatut oqarnermi isumalluutit uumassusillit imaluunniit najukkami aalisarnermik aallutaqarneq eqqarsaatigineqarnerluni.
- c. Nuup eqqaani aqutsiveqarfimmi aalisartunik avataaneersoqannginnissaa eqqortumik paasineqarnerseq Naalakkersuisunit paasissutissiissutigeqquneqarpoq – tassami Upernaviup Uummannallu eqqaanni Qeqertarsuullu Tunuani kiisalu Kalaallit Nunaata sinnerani aqutsiveqarfinni aalisarsinnaanermut akuersissutaatillit Nuup eqqaani aqutsiveqarfimmi periarfissaqarnaviannngimmata.
- d. Kalaallit Nunaanni Aalisarsinnaatitaanermut Akuersissutinik Nakkutilliisoqarfimmit (KANUAANA-mit) suliniummut qanoq isummertoqarsimanerseq Naalakkersuisunit nassuiaatigeqquneqarpoq, tassungalu ilanngullugu suliniuteqarnerup kingunerisaanik nakkutilliinermut iluaqutaasut ajoqutaasullu pillugit.
4. Aqutsiveqarfissatut siunnersuummi (UPA 2017/55-imi) siunnersuutigineqartutut pilersinneri maanna taamaallaat misileraalluni aalisarnermik ingerlatsiffiusut aningaasarsiorfigalugu qaleralinniarnermik ingerlatsiffiulersinnaanerannik kinguneqassanersseq Naalakkersuisunit nalileqquneqarpoq – taamaattoqassappallu qanoq tamanna kinguneqassanersseq.

Qulaani apeqqutinut allakkatigut akissutit (kalaallisut danskisullu) kingusinnerpaamik tallimanngornermi 16. juni 2017 nassiuteqquneqarput, qarasaasiakkullu ataatsimiititaliap allattaanut uunga: (gimsing@ina.gl).

Qujareerluta.

Inussiarnersumik


Hans Aronsen

Ataatsimiititaliami siulittaasq



Inatsisartut Allattoqarfiat
Aalisarnermut, Piniarnermut Nunalerinermullu Ataatsimiititaliaq
/MAANI

Ilanngussaq
Bilag 2

Indgået
- 8 SEP. 2017

**2017-imi Upernaakkut Ataatsimiinnermi imm. 55 pillugu Aalisarnermut,
Piniarnermut Nunalerinermullu Ataatsimiititaliamiit apeqqutit akissutaat**

04-08-2017
Sullap normua
Allakkat nr. 5900866

Aalisarnermut, Piniarnermut Nunalerinermullu Ataatsimiititaliap allakkiami 26. maj 2017-imeersumi 2017-imi upernaakkut ataatsimiinnermi imm. 55-ip ataatsimiititaliap suliarinissaanut atortussanik apeqqutinik arlalinnik Naalakkersuisut allakkatigut akissuteqaqqaat. Imm. 55-ip Inatsisartunit suliarineqarnissaa 2017-imi Ukiakkut Ataatsimiinnissamut kinguartinneqarpoq.

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

1. § 37 tunngavigalugu apeqqutip nr. 97/2017-ip akineqarnera naapertorlugu allassimavoq "Naalakkersuisut siunnersuuteqarput aqutsiveqarfinni aalisalersinnaanermik killiliisoqassanngitsoq, taamaalilluni aqutsiveqarfinni aalisalersinnaaneq allanik aalisalersinnaanermik pinngitsoortitsissanani. Aalisarsinnaanermik akuersissutinik pissarsiaqarsinnaatitaasut taamaalillutik aqutsiveqarfinni tamani qaleralinniarsinnaanermut akuersissutinik pissarsisinnaanissamik periarfissaqalissapput."

a. Qulaani pineqartumut akissut siullermeerinermi akissuteqaammut qanoq naapertuutsiginersoq Naalakkersuisunit nassuiaatigeqquneqarpoq, tassanimi akissuteqaammi takuneqarsinnaammat Nuup eqqaani immikkut aqutsiveqarfiliornissamik Naalakkersuisut piler-saaruteqartut; killeqarfinnut pisassiiffiunngitsunut periarfissat killilernerqarnissaat; kiisalu aqutsiveqarfinni pingasuusuni Upernaviup Uummannallu eqqaani Qeqertarsuullu Tunuaniittumi avataaneersunit pizarreqarsinnaasut annertunerpaaffilerneqarnerat.

Eqqortuuvoq, Naalakkersuisut § 37-imut apeqqummut nr. 97 2017-imeersumut akissuteqaammi aqutsiveqarfinni aalisarsinnaanermut killiliisoqannginnissaq siunnersuutigaa. Siullermeererneranut Naalakkersuisunit akissuteqarnermut ataqatigiissutaasoq unaavoq, Naalakkersuisunit kissaatigineqarmat, akuersissutaatillit pisassiissutinik pigisaqartut killeqarfinni pisassiiffiunngitsuni aalisalinnginnerminni pisassiissutinik pisassatik atorluaqqaassagaat. Tamatuma saniatigut aqutsiveqarfinni Upernavimmi, Uummannami Qeqertarsuullu Tunuani avataaneersunit pizarreqarsinnaasut annertunerpaaffilerneqarnissaannik atuutsitsilernerq imatut paasineqassaaq Naalakkersuisut aqutsiveqarfinni ataasiakkaani

pingasuni annertuallaamik aalisalertoqarsinnaanera killilersimaarusukkaataqut-siveqarfinnut aalisaaqusiunnaarlunnarnissaq piumanagu. Tamanna siunner-suummi assigiimmik amerliartortoqarnissaa pillugu eqqarsaatigineqarpoq.

2. Siullermeerinermi akissuteqaat naapertorlugu allassimavoq "Naalakkersuisut allatut killiliissuteqarnissamik kissaateqarput, tassa aalisarsinnaanermik akuersissutaatillit pissassiissutinik pigisaqartut killeqarfiit pisassiiffiunngitsut iluini aalisartarnerini, suli pisassaartoqartillugu aalisarneq ingerlanneqarpat piasarisat pisassarisanit ilanngaataasalernissaannik, aammalu aqutsiveqarfimmi aalisartut atassuteqaateqarfigisaani taamaallaat killeqarfiit pisassiiffiunngitsut iluini pisinnaalissalluni."

a. Naalakkersuisunit nassuiaatigeqquneqarpoq killiliineq pisassiissutitalinnik akuersissutaatilinnut Naalakkersuisut sooq taamaallaat atuutsinniarpasinnaat taamaalillunilu umiatsiararsortunut atuunnani.

Naalakkersuisut isumaqarput tulluurtuunngitsoq akuersissutaatillit pisassiissutinik pigisaqartut ukiumoortumik pisassiissutit pigisatik annertuumik iluanaarutigalugit tunisnaagaat, kingornatigullu killeqarfinni pisassiiffiunngitsuni annertuumik aalisarlutik.

b. Naalakkersuisunit erseqqissaatigeqquneqarpoq, killiliineq ima paasineqassanersoq, pisassiissutitalinnik akuersissutaatillit pisassiissutaatitit nungukkaangamikkil siunissami aalisarunnaar-tassanersut, imaluunniit akuersissutaatilik killeqarfiit pisassiissuteqarfiunngitsut iluanni tamatuma kingorna suli aalisarsinnaatitaaginnassanersoq.

Akuersissutaatilik pisassiissutinik pigisalik ukiumut pisassiissutini tamakkerlugit aalisarsimappat, aatsaat killeqarfinni pisassiiffiunngitsuni aalisarsinnaalissaaq.

c. Killeqarfiit pisassiissuteqarfiunngitsut attatiinnarnissaannik tunngaviusoq Naalakkersuisunit nassuiaatigeqquneqarpoq, manna naapertorlugu; sinerissap qanittuani qaleralinniarneq pillugu nalunaarutip allangortinneqarnissaa pillugu siunnersuut kingulleq atorlugu¹ naatsorsuutigineqaraluarat sumiiffiit pineqartut atorunnaarnissaat.

¹ Sinerissap qanittuani aalisarneq pillugu Namm. Oq. Nalunaarutaanut siunnersuut pill. tusarniaaneq. Ull. 27. jan. 2017 tamanut saqqummiunartoq. <http://naalakkersuisut.gl/da/H%e3%b8ringer/Arkiv-over-h%e3%b8ringer/2017/Bkg-hellefisk-kystnaer>

Naalakkersuisut naliliipput, pissusissamisoortoq killeqarfiit pisassiiffiunngitsut maannakkut aalisarnerup ingerlalluarnera pissutigalugu atuutsiinnarnissaannut, ineriartornerlu tamanna ingerlaannarnissaa Naalakkersuisut kissaatigaat.

- d. Aalisakkat isumalluutit kiisalu aalisarnermik ingerlatsineq qanoq killiliinermit sunnigaanissaat naatsorsuutigineqarnersoq Naalakkersuisunit paasissutissiissutigeqquneqarpoq. Ima paasillugu; aalisar-neq annertunerusoq, annikinnerusoq imaaluunniit allanngornerta-qangitsoq malitsigitinneqassava, aamma killiliinerup kinguneris-savaa aalisarnermik ingerlatsinerup sumiiffinni taakkunani ima-luunniit sumiiffinni nutaani ingerlanneqarnissaa siunissami naatsor-suutigineqarnersoq.*

Naalakkersuisut naliliipput, aalisakkanut isumalluutit aamma aalisarnermik ingerlatsineq killilersuinermit annikitsuinnarmik sunnigaassasut.

- e. Kalaallit Nunaanni Aalisarsinnaatitaanermut Akuersissutinik Nakkutilliisoqarfimmit (KANUAANA-mit) killiineq, ilanngullugillu kille-qarfiit pisassiissuteqarfiunngitsut attatiinnarnissaat qanoq isumaqar-figineqarnerisut Naalakkersuisunit paasissutissiissutigeqquneqarpoq, ilanngunneqassaarlu killiinerup kiisalu killeqarfiit pisassiiffiunngitsut attatiinnarnissaasa malitsigisaanik nakkutilliinermit iluaqutit ajoqutillu.*

Aalisarfiit pillugit paasissutissat nakkutiginnissaat – soorlu aamma aalisarnermi allani – unamminartoqartarpoq, taakkumi aalisartumit tunisinermi nammineq nalunaarutigineqartarmata, pingaartumik umiatsiaararsorluni aalisarnermut atatil-lugu umiatsiaaqqat ilisarnaammik normulerlugit nalunaarsorneqarsimanngippata, taamaattumillu ungasissumiit ilisarineqarsinnaanatik. Unamminartoq tamanna aalisarnermik nakkutilliinermit atatilugu annertuvoq akuersissut ataaseq aali-sarfinnut eqqaaniittunut arlalinnut aalisarsinnaatitsisoq pisassanillu ilanngaanis-samut assigiinngitsunik malittarisassaartoq.

KANUAANA ersarissumik naliliivoq, aaqqissuussat allanngortiternissaannut allaffissornikkut suliaqarnerulernermik kiisalu ataavartumik ingerlatsinerup annertusinissaanik nassataqassasoq, pisassanik ilanngaassiniarnermik naatsor-suineq assigiinngisitaartussanngussammat pisassiissutit annertussusaat ataa-siakkaat inissisimanerat aallaavigalugu.

- 3. Siullermeerinermit akissuteqaat naapertorlugu takuneqarsinnaavoq Naalakkersuisut kissaatigaat, "aqutsiveqarfinni pingasuusuni Upernavimmi, Uummannami Qeqertarsuullu Tunuani taakkunani ataasiakkaani*

pisassiissutinit annerpaamik 10 procentit tikillugit aalisartunit aqutsiveqarfinnit avataaneersunit pisinineqarsinnaasutut qummut killileerusukkamik. ”

a. Suliniut aqutsiveqarfinni taamaallaat pingasuni – Upernaviup Uummannallu eqqaanni Qeqertarsuullu Tunuani – akuersissutaatilinnut taamaallaat atuunnersoq, tamannalu ilumut eqqortuunersoq Naalackersuisunit paasissutissiissutigeqquneqarpoq, kiisalu aqutsiveqarfinni taakkunani marluusuni katillugit pisassami annertunerpaamik 10 %-iinik akuersissutaatilik aalisarsinnaassa-nersoq.

Suliniut aqutsiveqarfinnut Upernavimmut, Uummannamut Qeqertarsuullu Tunuanut taamaallaat atuutissaaq. Suliniut isumaqarpoq, akuersissutaatillit avataaneersut aqutsiveqarfimmi allami annertunerpaamik pisassiissutit tamakerlugit 10 %-iinik aalisarsinnaassasut.

b. Killiliineq “aqutsiveqarfii ataasiakkaat iluini aalisarnerup illersorneqarsinnaanissaanik annertusaaqataassaaq”, taama oqarnermi sumut innersuussisoqarnersoq Naalackersuisunit erseqqissaatigeqquneqarpoq. Ima paasillugu; taamatut oqarnermi isumalluutit uumassusillit imaluunniit najukkami aalisarnermik aallutaqarneq eqqarsaatigineqarnerluni.

Naalackersuisut uani innersuussutigaat, najukkami aalisarnermik aallutaqarneq eqqarsaatigalugu isumalluutit uumassusillit killiliinerup illersussagai.

c. Nuup eqqaani aqutsiveqarfimmi aalisartunik avataaneer-soqannginnissaa eqqortumik paasineqarnersoq Naalackersuisunit paasissutissiissutigeqquneqarpoq – tassami Upernaviup Uummannallu eqqaanni Qeqertarsuullu Tunuani kiisalu Kalaallit Nunaata sinnerani aqutsiveqarfinni aalisarsinnaanermut akuersissutaatillit Nuup eqqaani aqutsiveqarfimmi periarfissaqarnaviangimmata.

Apeqqut isumaannarsuutaarpasippoq imminullu akerpasilluni. Akuersissutaatillit avataaneersut aqutsiveqarfimmi Nuup eqqaani aalisarsinnaanngippata, taava aamma tamaaniinnaviangillat.

d. Kalaallit Nunaanni Aalisarsinnaatitaanermut Akuersissutinik Nakkutilliisogarfimmit (KANUAANA-mit) suliniummut qanoq isummertoqarsimanersoq Naalackersuisunit nassuiaatigeqquneqarpoq, tassungalu ilanngullugu suliniuteqarnerup kingunerisaanik nakkutilliinermut iluaqutaasut ajoqutaasullu pillugit.

KANUAANA ersarissumik naliliivoq, aqutsiveqarfinni Uummannami, Upernavimmi Qeqertarsuullu Tunuani taakkunani ataasiakkaani pisassiissutit tamakkerlugit akuersissutaatilinnit avataaneersunit 10 %-inut killiliinerup kingunerissagaa nakkutilliinermi kiisalu aqqissuussat allanngortiternissaanut allaffissormikkut annertunerusumik suliassaqalerneq aammalu ataavartumik allaffissormikkut ingerlatsinermut.

Nuup eqqaani pisassiissuteqarneq atulersinneqarpat nakkutilliinermi suliassat amerlissapput, tamannali allaffissormikkut allannguisoqarnissaanik pisariartitsinani.

4. Aqutsiveqarfissatut siunnersuummi (UPA 2017/55-imi) siunnersuutigineqartutut pilersinneri maanna taamaallaat misileraalluni aalisarnermik ingerlatsiffiusut aningaasarsiorfigalugu qaleralinniarnermik ingerlatsiffiulersinnaanerannik kinguneqassanersoq Naalackersuisunit nalileqquneqarpoq – taamaattoqassappallu qanoq tamanna kinguneqassanersoq.

Naalackersuisut naliliipput, aqutsiveqarfissatut siunnersuutigineqartut misileraalluni aalisarnermik ingerlatsiffiusut aningaasarsiorfigalugu aalisarnermut inissinneqarsinnaaneranut sunniuteqarnaviangitsut.

Inussiarnersumik inuulluaqqusillunga
Med venlig hilsen



Karl-Kristian Kruse
Aalisarnermut Piniarnemullu Naalackersuisoq
Naalackersuisoq for Fiskeri og Fangst